

Cruzada Fergusonstraat— Verbiningsweg ta un problema pa carnaval



ORANJESTAD (AAN)

Un vez mas a keda demonstra cu e ruta di carnaval no ta esun adecuado apesar cu opinion publico ta pensa lo contrario.

E problema den Vondellaan, cu publico ta cana den e parada tin su origen anto hopi serio.

Pa añas e parada di carnaval ta kibra, habri of laga un buraco grandi den Vondellaan y como tal publico ta cuminsa cana pariba pabao, pazuid pa nort y ora cu e gruponan cuminsa move cu e parada ya tur cos ta brucha den otro.

Mester bisa cu polis a haci lo maximo pa tene e publico for di e parada. Sub Inspector Shonpe Krozendijk a haci un tremendo trabao hunto cu e otro polis pa asina hiba e parada te na final.

Na varios ocasion mester a wanta e parada debi cu tin grupo a keda atras.

Un di e problemanan di mas grandi di henter e parada no ta e punlico cu tabata baila y goza di e bunita parada y musica, pero e cruzada Fergusonstraat-Verbiningsweg, ya cu aki nan cada un vehiculo cu mester lora pa drenta Vondellaan mester tuma por lo menos 3 a 5 minuut y tin varios truck grandi cu ta tuma mas cu esey y como tal e grupo cu ta dilanti di e pick-up, truck of trailer ta sigui baila y laga e pick-up ta lora lentamente.

Diadomingo ultimo e problema di mas grandi di e parada a bolbe tuma lu-

gar na e cruzada aki, ora cu e driver di e forklift a ser mal guia di tal forma cu e no por a bira e trailer cu e tin ta lastra. lastra.

A dura por lo menos cu 15 pa 20 minuut di lucha entre polis, publico y ayudantenan di e grupo cu ta participa pa por a bira e trailer. Mester a move e publico for di caminda, pusha e trailer patras, dilanti, ranca aki, ranca aya y un cantidad di di hende 'sabi ta duna tur clase di instruccion' ta con ta bira e forklift y e trailer, un critamento di otro mundo mientras cu e grupo cu ta dilanti di e forklift a sigui bay y asina laga un espacio hopi grandi habri cu a pone publico cana di un lugar pa otro.

Despues di hopi trabao a bin los e hero cu tin conecta cu e forklift y e trailer

pa bin move aki move aya kita publico for di nan lugar pa asina pone e trailer cabez pa zuid pa por a sigui cu e parada.

No ta uno, pero mayoria grandi di e trailernan ta confronta problema pa bira drenta Vondellaan y como tal e parada ta kibra y keda habri.

Mester busca un solucion cu e birada pa drenta Vondellaan, y nos ta kere cu e mihor forma si parada di carnaval sigui pasa den Vondellaan ta sea kita e poster di luz di trafico y pone te ariba di caminda, of laga e vehiculonan cu ta den e gran parada drenta e parti pariba di e poster di luz y asina drenta mes ora den Vondellaan, ya cu tur aña tin e mes un problema ya cu no ta tur chofer por bira e caminda aki bon.

Loods Kelly ta reacciona

Cont. di pag. 20

bilidad tambe.

E motibo pakico e accidente aki a pasa ta pasobra e capitan no a sigui mi comandonan estrictamente. Si e reporter(nan) concerni a acerca mi persona mi por a duna algun datos y na final di e investigacion un relato completo.

Tambe e reporter(nan) por saca e conclusion cu e persona(n) cu nan a haya informacion cerca nan no ta di confia tampoco.

Finalmente mi kier bisa cu e asunto aki no ta in-

fluencia e confiansa cu mi tin den e corant aki, pero toch laga e articulonan cu sali worde base, ariba realidad y no redo. Masha danki pa e espacio aki.

Ing. Rafael Kelly
Loods 2e klasse



TELS.: 26747-22207-35026



Horoscopo

ARIES

Maart 21 - April 19

Concentra den bo asuntonan personal sin tin cu trata cu hende desinteresado.
Number di suerte awe: 12

TAURUS

April 20 - Mei 20

Asuntonan di personann cerci di bo ta dificulta bo propio plannan.
Number di suerte awe: 90

GEMINI

Mei 21 - Juni 20

Problemanan domestico por causa discusionnan afectivo cu lo ta dificil pa soluciona.
Number di suerte awe: 56

CANCER

Juni 21 - July 22

Bo salud por tin problemanan. Asuntonan laboral por intranzuizabo facilmente.
Number di suerte awe: 87

LEO

Juli 23 - Augustus 22

Awe no ta un dia adecuado pa bo asunto importante pa nan tin bon resultado.
Number di suerte awe: 34

VIRGO

Augustus 23 - September 22

Bo mester controla bo emocionnan, pasobra bo sin pasenshi y un malester por surgi facilmente.
Number di suerte awe: 67

LIBRA

September 23 - October 22

Actividadnan laboral por ta prometedo. Un biahe lo ta bon pabo despues di tanto trahamento.
Number di suerte awe: 18

SCORPIO

October 23 - November 22

E trabaoan di bo lo toncinua cu mihor oportunidadnan pa realiza un tipo di trabao cu ta mehora bo posicion.
Number di suerte awe: 00

SAGITARIUS

November 23 - December 21

Pone special atencion ariba bo gastonan. Relacionnan amoroso por ta delicado.
Number di suerte awe: 44

CAPRICORNIO

December 21 - Januari 19

Problemanan di salud por interferi den bo trabao y por causa discusionnan cu bo companeronan.
Number di suerte awe: 32

ACUARIUS

Januari 20 - Februari 18

Bo deseonan y accionnan ta dificulta bo plannan cu bo pareha. Cancela un viahe cu no lo resulta bon pa bo.
Number di suerte awe: 45

PISCES

Februari 19 - Maart 20

Si no existi interferencia, e dia ta apto pa concentra den cuestionnan personal y plannan intimo.
Number di suerte awe: 98